



Qeveria e Republikës së Maqedonisë së Veriut
- KRYEMINISTRI -

I nderuar zëvendëskryeministër Dimitrov,

Në zgjedhjet parlamentare që janë mbajtur më 15 korrik të vitit 2020, qytetarët e Republikës së Maqedonisë së Veriut zgjedhën që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanë në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive brenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës “ministër“ gjendet shërbimi, kujdesi dhe ndihma për qytetarët. Ju, si ministër, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t’u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që agjendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t’i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t’i pranoj dhe t’i kuptoj të gjitha idetë dhe iniciativat që vijnë nga opinioni publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna e juaj çdo ditë do të ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sinqertë se sa Ju. Vetëm kështu është e drejtë dhe e ndershme para



Qeveria e Republikës së Maqedonisë së Veriut
- KRYEMINISTRI -

fjalës që ua kemi dhënë qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime të kuadrove. Analizën metodologjike të realizimit të detyrave dhe punës suaj të përgjithshme do ta bëjmë çdo fundvit.

Duke ju nominuar juve për ministër në Kuvendin e Republikës së Maqedonisë së Veriut, isha i bindur se mund të llogaris në përgjegjësinë dhe përkushtimin tuaj të plotë në kryerjen e detyrave. Pikërisht për këtë, pres rezultate të menjëhershme. Qytetarët kanë pritje, ndërsa Ju jeni në pozicion që të bëni gjithçka që është e nevojshme që Qeveria të realizojë pritjet e qytetarëve.

Si zëvendës i Kryetarit të Qeverisë i ngarkuar për Çështje Evropiane para Jush qëndron një nga detyrat më të rëndësishme të kësaj Qeverie- aderimi I vendit drejt familjes evropiane dhe transformimi i shoqërisë sonë me anë të pranimit themeltar dhe të qëndrueshëm të rregullave evropiane, principeve dhe vlerave, duke mbrojtur interesat e ekonomisë sonë dhe qytetarëve.

Kjo Qeveri vendosi plan ambicion për rumbullakimin e bisedimeve aderuese deri në valën e parë të ardhshme të zgjerimit të Bashkimit Evropian. Juve, së bashku me të punësuarit në Sekretariatit për Çështje Evropiane është që ta udhëheqin këtë proces, paralelisht me realizimin e prioriteteve kyçe qeveritare.

Më konkretisht gjatë këtij mandati të Qeverisë, pres nga Ju:

- Në bashkëpunim të ngushtë me Qeverinë të vendosni, strukturë negociuese, motivuese, efikase dhe profesionale, në përputhje me Metodologjinë e re për zgjerim të Bashkimit Evropian;
 - Të zhvilloni politikë gjithëpërfshirëse e të mençur për mbajtjen e kuadrit në administratën e cila punon në çështjet bazike të ndërlidhura me euro-integrimet;
 - Në bashkëpunim me mua dhe Zyrën time, ta vazhdoni dhe ta mbindërtoni zhvillimin e bazës së të dhënave për të gjithë ekspertet vendas dhe personave profesional nga diaspora të cilët në mënyrë aktive do të kyçen në grupet e punës për bisedime;
- Në bashkëpunim me Qeverinë të mundësoni rrjedhojë pa pengesa të procesit të aderimit drejt Bashkimit Evropian, me çka deri në fund të mandatit të kësaj Qeverie do të hapen 80 për qind nga kapitujt e gjyqësorit evropian;
- Të afroni Evropën dhe proceset integruese deri te të gjithë qytetarët e vendit:
 - Të vazhdoni bashkëpunimin proaktiv me të gjitha institucionet, partitë politike, komunitetin e biznesit, shoqërinë civile, akademinë, rregullatorët dhe mediat në mënyrë që procesi i negociatave të afrohet me qytetarët;
 - Në konsultim me universitetet dhe Qeverinë, në bashkëpunim me ministren e arsimit dhe shkencës, të propozoni programe të reja ose të adaptuara arsimore që do të ndërtojnë kuadër për nevojat e vendit në



Qeveria e Republikës së Maqedonisë së Veriut
- KRYEMINISTRI -

institucionet evropiane;

- Të siguroni koordinimin e vazhdueshëm të programimit, menaxhimit dhe zbatimit të projekteve të financuara nga fondet evropiane dhe për t'i sjellë ato më pranë qytetarëve dhe komunitetit të biznesit:

o Të propozoni model për krijimin e "Rrjetit të Informimit të BE", përmes të cilit do të transformojmë pikat ekzistuese të informacionit të BE-së në qendra rajonale për Evropën në të cilat do të ketë prezantime të përditshme të mundësive për qytetarët dhe sektorin e biznesit për të përdorur fondet evropiane dhe të përhershme edukim për thithjen maksimale dhe përdorimin e mjeteve të ofruara nga procesi i para-anëtarësimit;

o Tu mundësohet që mjetet nga IPA 3 të jenë të qasshme edhe për komunat, shkollat, sindikatat, grupet e marginalizuara, punëdhënësit, të pa punët, ndërmarrjet e vogla dhe të mesme, organizatat qytetare, universitetet dhe institucionet hulumtuese, por edhe grupet jo-formale të qytetarëve;

o Të përgatisni dhe në Qeveri të propozoni model për investime në kapitalin njerëzor në institucione dhe jashtë tyre për përgatitjen e projekteve të cilat do të financohen nga ana e IPA 3 dhe përgatitjen e vendit që me sukses të shfrytëzojë fonde të mëdha strukturore dhe kohezive evropiane;

o Të përgatisni dhe në Qeveri të propozoni një model për krijimin e një Fondi Garancie për bashkëfinancimin e projekteve dhe ndihmë në zhvillimin e projekteve cilësore dhe serioze të Bashkimit Evropian, mbështetje përmes skemave të kuponave dhe konsulentëve kornizë, si dhe një Fond Garancie për bashkëfinancimin e projekteve dhe për organizatat që do të tërheqin fonde evropiane dhe kështu fitojnë statusin e "organizatës me interes publik";

- Në bashkëpunim me Ministrinë e Punëve të Jashtme, përgatitni një Dokument strategjik kombëtar për ndihmë dypalëshe për ndihmë nga vendet e tjera;
- Të bashkëpunoni me Ministrinë e Financave për prezantimin e një programi të veçantë buxhetor për negociatat me Bashkimin Evropian dhe zhvillimin e politikave në buxhetet e ministrive dhe institucioneve të tjera kompetente. Ky program, ndër të tjera, do të shërbejë për të përgjigjur nevojave ad hoc që lindin në fazën e harmonizimit dhe me legjislacionin e BE-së, dhe të cilat nuk kanë mund të parashikohen në fazën e programimit të fondeve IPA;
- Të zbatoni aktivitete të tjera në përputhje me zotimet dhe Programin e Qeverisë së Republikës së Maqedonisë së Veriut 2020 - 2024.



Qeveria e Republikës së Maqedonisë së Veriut
- KRYEMINISTRI -

Njëkohësisht si zëvendëskryministër në Qeverinë e Republikës së Maqedonisë së Veriut i ngarkuar për çështje evropiane, nga Ju pres:

- Të jeni gardiani i parë i Kushtetutës dhe ligjeve dhe të siguroni që Sekretariati për Çështje Evropiane të përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet do të zbatohen njëjtë për të gjithë;
- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;
- Të siguroni që Sekretariati për Çështje Evropiane të përgjigjet në kohë, në mënyrë të drejtë, efikase dhe efektive të zgjidh çështjet dhe procedurat e qytetarëve dhe personave juridik, duke justifikuar dhe fituar besimin e qytetarëve dhe të opinionit publik;
- Të vazhdoni zbatimin dhe përmirësimin e politikave të transparencës dhe llogaridhënies;
- Të jeni të hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;
- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat, shëndet dhe mandat të suksesshëm.

Sinqerisht i juaji,
Zoran ZAEV



Qeveria e Republikës së Maqedonisë së Veriut
- KRYEMINISTRI -

Zëvendëskryeministër në Qeverinë e Republikës së Maqedonisë së Veriut i ngarkuar
për çështje evropiane
Nikolla DIMITROV